

# SVRHA PROVOKACIJE FILMOM “O NAŠEM POSLANIKU (SAVS)” JE DA RAZJEDINI VJERNIKE

Film američke produkcije, bogohulnog sadržaja protiv islama i našeg poslanika (savs)-sigurno su islam i naš poslanik (savs) iznad toga-odmah je zavladao svjetskim poretkom. Neki su ljudi odmah upali u zamku i počeli organizirati proteste, napadati ambasade i čak ubijati ljude. Optužili su vlade, države, nacije, rase i religije samo zbog običnog filma koji je zasnovan na poremećenostima jedne sasvim obične osobe. Tisak je predstavio svoje vlastito viđenje “agresivnog imidža muslimana koji pali zastave i bavi se fanatizmom.” Iznimna propaganda “Krvavog islama” je započeta. Danima već anti-islamisti širom svijeta šire taj propagandni material prema svojim nahođenjima i u skladu sa vlastitim interesima.

Za kratko vrijeme provokacija je ispunila svoj cilj: rezultiralo je time da je jedan sasvim običan producent jednog ispodprosječnog filma, potpuno lišenog činjenica i zasnovanog na izvrtanju istine, postao svjetski poznat. Ovaj film koji se sastoji od izmišljenih priča, na koje se inače niko ne bi obazirao, također je postao vrlo dobro poznat. Oni koji pokušavaju islam prikazati kao krvavu i vulgarnu religiju, ostvarili su svoje skrivene namjere i on koji govore “Bog je Jedan” su okrenuti jedni protiv drugih.

Ono što je zapanjujuće je da su, na riječ jedne nepristojene, anti-islamski nastrojene osobe, muslimani odmah povjerovali da se u ovom filmu zaista radi o našem poslaniku. Ovoj neshvatljivoj izjavi jedne drske osobe iz nekog razloga je pridana velika važnost. Muslimani su prihvatili ovu izjavu samo zato što je on tako rekao, ne shativši činjenicu da su tako postali instrument kojim se širi ova provokacija. Nisu shvatili da su upali u zamku. Nisu bili u stanju razumijeti da je cilj ove jadne, prosječne osobe bio da postane poznata, i da uz to stvori jaz među religijama. Činjenica je, međutim, da vjernici moraju razmišljati u skladu sa Kur’anom i shvatiti da su postali instrumentom koji omogućava jednoj sasvim običnoj osobi da ostvari svoj cilj. Morali su razumijeti da će tako jedom anonimusu postati instrument putem kojeg će se predstaviti kao veoma važan pojedinac.

## **Uvreda se odnosi na onoga koji vrijeđa.**

Producent ovog filma je sebe prikazao ovim filmom, i samim time uvrijedio samog sebe. Postoji vrlo poznata izreka: uvreda se uvijek odnosi na onoga koji vrijeđa. Dakle, producent ovog filma je napravio film o samom sebi. U svom filmu on prikazuje svoje lične karakterne nedostatke, svoje poremećene ideje i vrijeđa jedino sam sebe. Veoma je šokantno da muslimani jednu takvu osobu, koja je u stanju da samu sebe izvrijeđa, shvate toliko ozbiljno.

## **A zašto su muslimani tako lako isprovocirani?**

Postoje dva razloga za to. Prvi je neukost i neinformiranost. Drugi je fanatizam, odnosno netrpeljivost. Činjenica je, međutim, da je i sama netrpeljivost također neznanje, jer danas mnogi ljudi smatraju da je netrpeljivost koju osjećaju islam. Misle da biti musliman podrazumijeva osjećaj bijesa i prolijevanje krvi. Zbog toga shvate nekog drskog ozbiljno, napadaju ambasade, ubijaju ljude, proklinju države i nacije, spaljuju zastave i konstantno spominju krv i bijes;

Ovakvi su muslimani potpuno nesvjesni da oni zapravo čine grijeh. Ogromnu većinu ovih ljudi od Kur'ana udaljava netrpeljivost. Činjenica je davje prema Kur'anu ubistvo nevine osobe, proglašavanje religija, nacija i rasa neprijateljima, stvaranje straha i mržnje među ljudima, nedozvoljeno. Ovakvo, baš ti ljudi čine grijeh. Ostajući pod utjecajem prljavih doktrina licemjernih ljudi, oni smatraju da je izmišljena religija koju su oni stvorili ona ispravna.

Ono što je bitno kod religioznosti koju osoba doživljava kada živi u skladu sa Kur'anom jeste eliminacija čak i mrvica bijesa i tretiranje pripadnika bilo koje religije, jezika, rase ili nacije s ljubavlju. Iz tog razloga je ovim ljudima hitno potrebno objasniti bit i duh Kur'ana. Cilj sotone je da stvori jaz među vjernicima. Muslimani ne smiju dozvoliti da se to dogodi. Sotona uvijek pokušava oslabiti vjernike, a to čini tako što iznalazi razloge za nered koji će ih udaljiti jedne od drugih. Sotona je uvijek iskorištavao zajedništvo nevjernika i nekih muslimana koji imaju zle namjere protiv sljedbenika knjige (kršćana i jevreja) protiv onih koji su opisani kao iskreni u Kur'anu i takvim provokacijama uspijevao udaljiti vjernike tri religije jedne od drugih. To čini iz razloga što zna da će ujedinjenje onih koji govore "Bog je Jedan" i njihova međusobna ljubav dovesti do iznimne i nepobjedive moći u svijetu.

Dakle, pravi musliman mora razmišljati na način propisan u Kur'anu i u skladu sa predajama poslanika Muhammeda (savs) i biti svjestan ove lukave spletke koju smišlja sotona. Mi, kao muslimani, moramo ispunjavati zahtjeve koje pred nas postavlja naša vjera islam, a to su ljubav, ljepota, mir, saosjećanje, demokratija i samopožrtvovanje.

- moramo prilaziti muslimanima, kršćanima, jevrejima i svim ljudskim bićima s ljubavlju, bez obzira na njihovu religiju i rasu.
- moramo eliminirati licemjerne koncepte razmišljanja i one provokatore koji djeluju protivno islamu, te s tim ciljem prihvatiti sve muslimane, kršćane, jevreje i sve one koji stanu na stranu ljubavi i prijateljstva;
- moramo imati na umu da svi konflikti na svijetu potječu od nefunkcionalnosti vjernika. O tome Kur'an kaže slijedeće: "Oni koji ne vjeruju su prijatelji i zaštitnici jedni drugima. Ne postupite li i vi tako, nastaće smutnja na Zemlji i nered veliki." (Sura al-Anfal, 73)

Niko neće moći reći "Napravio sam anti-islamski film" niti "Nacrtao sam karikaturu protiv islama" kada:

- Vjernici budu ujedinjeni u borbi protiv provokatora
- Kada dobri ljudi prhivate jedni druge s ljubavlju i saosjećanjem,
- Kada se oni koji govore "Bog je Jedan" ujedine i stvore jaku uniju

Ti će ljudi jednostavno izgubiti mogućnost da se bave takvim zlim djelima, suočeni s moćnom unijom vjernika i predstavnika ljubavi. Strah koji izazivaju će se odraziti samo na njih same.

Najveća osveta provokatorima je ujedinjavanje vjernika svih religija širom svijeta zbog stvaranja okruženja ljubavi i mira. Uspostavljanje takve jedne unije je najhitniji zadatak koji je postavljen nama muslimanima, jer to je ono što nam Bog naređuje u Kur'anu.

<https://www.harunyahya.info/hr/clanci/svrha-provokacije-filmom-o-naSem-poslaniku-savs-je-da-razjedini-vjernike>